

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 07/10 i 3/23), člana 37. i 52. Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24) i člana 25. Zakona o cestama Federacije BiH („Službene novine Federacije BiH“, broj: 12/10, 16/10 i 66/13) Vlada Zeničko-dobojskog kantona, na prijedlog Ministarstva za prostorno uređenje, promet i komunikacije i zaštitu okoline, na 67. sjednici, održanoj 14.02.2025. godine, d o n o s i

O D L U K U

o davanju saglasnosti na Plan zaštite, održavanja, rekonstrukcije i izgradnje regionalnih cesta za 2025. godinu, Kantonalne direkcije za ceste

Član 1.

(Predmet)

Daje se saglasnost na Plan zaštite, održavanja, rekonstrukcije i izgradnje regionalnih cesta za 2025. godinu, Kantonalne direkcije za ceste, u razdjelu 19, budžetska organizacija 03, potrošačka jedinica 0001 – Kantonalna direkcija za ceste, u koloni „Izdaci iz namjenskih sredstava – izvor 30“ u ukupnom godišnjem iznosu od 24.664.000,00 KM (slovima: dvadesetčetirimilionašeststotinašezdesetčetirihiljade konvertibilnih maraka) na sljedećim pozicijama: ekonomski kod 613200 - „Izdaci za energiju“ u iznosu od 6.000,00 KM; ekonomski kod 613700 - „Izdaci za tekuće održavanje“ u iznosu od 15.000.000,00 KM; ekonomski kod 613900 - „Ugovorene i druge posebne usluge“ u iznosu od 93.000,00 KM; ekonomski kod 821100 - „Nabavka zemljišta, šuma i višegodišnjih zasada“ u iznosu od 550.000,00 KM; ekonomski kod 821300 - „Nabavka opreme“ u iznosu od 15.000,00 KM; ekonomski kod 821600 - „Rekonstrukcija i investiciono održavanje“ u iznosu od 9.000.000,00 KM, Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), koji čini sastavni dio ove odluke.

Član 2.

(Način realizacije sredstava)

Namjenska sredstva planirana ovim Planom zaštite, održavanja, rekonstrukcije i izgradnje regionalnih cesta za 2025. godinu, realizovat će se isključivo u skladu sa realizacijom ostvarenih namjenskih prihoda u Budžetu Kantona u predhodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.

(Realizacija Odluke)

Za realizaciju ove odluke zadužuju se Ministarstvo za prostorno uređenje, promet i komunikacije i zaštitu okoline – Kantonalna direkcija za ceste i Ministarstvo finansija, svako u okviru svojih nadležnosti.

Član 4.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-23-2783/25

Datum, 14.02.2025. godine

Zenica

PREMIJER

Nezir Pivić

DOSTAVLJENO:

1x Ministarstvo finansija

1x Ministarstvo za prostorno uređenje,
promet i komunikacije i zaštitu okoline

1x Kantonalna direkcija za ceste,

1 x „Službene novine Zeničko-dobojskog kantona“

1x a/a.



BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
MINISTARSTVO ZA PROSTORNO UREĐENJE,
PROMET I KOMUNIKACIJE I ZAŠTITU OKOLINE
KANTONALNA DIREKCIJA ZA CESTE

**PLAN ZAŠTITE, ODRŽAVANJA, REKONSTRUKCIJE I IZGRADNJE REGIONALNIH
CESTA ZA 2025. GODINU**

Januar 2025. godine

S A D R Ź A J

Uvod	3
I. Održavanje regionalnih cesta	4
I.1 Redovno održavanje regionalnih cesta	5
I.2 Zimsko održavanje regionalnih cesta	6
I.3 Obnova i vanredno održavanje regionalnih cesta	7
II. Ugovorene i druge posebne usluge	8
III. Rekonstrukcija i izgradnja cesta i izrada projektne dokumentacije	8
III.1. Rekonstrukcija i izgradnja regionalnih cesta	8
III.2. Izrada projektno-tehničke dokumentacije	11
IV. Nabavka opreme	11
V. Nabavka zemljišta (Ekspropijacija)	11
VI. Rekapitulacija utroška sredstava	12

UVOD

Zakonom o izmjeni i dopuni Zakona o kantonalnim ministarstvima i drugim tijelima kantonalne uprave ("Službene novine Zeničko-dobojskog kantona" broj 03/10), u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona formirana je Kantonalna direkcija za ceste (u daljem tekstu; Direkcija).

Prema odredbama člana 25. Zakona o cestama Federacije BiH ("Službene novine Federacije BiH", broj: 12/10, 16/10 i 66/13), Direkcija donosi godišnji Plan zaštite, održavanja, rekonstrukcije i izgradnje regionalnih cesta Zeničko-dobojskog kantona, obavljajući upravne i stručne poslove koji se odnose na:

- poslove održavanja i zaštite cesta;
- pripreme dugoročnih i srednjoročnih planova razvoja cesta i izvještaja;
- pripreme srednjoročnih i godišnjih planova i programa održavanja, zaštite, rekonstrukcije i izgradnje cesta kao i izvještaja o realizaciji tih planova i programa;
- pripreme plana obnove;
- investicijske poslove za održavanje i obnovu, rekonstrukciju i izgradnju;
- investicijske poslove za osiguranje potrebne studijske i projektne dokumentacije;
- pripreme i realizaciju programa mjera i aktivnosti na unapređenju sigurnosti prometa;
- poslove zaštite cesta;
- prijedloge finansijskih planova i finansijskih izvještaja o realizaciji tih planova i programa, i osiguranju sredstava za potrebe cesta;
- vođenje evidencije (baze podataka) cesta, objekata, prometne signalizacije, i opreme na cestama i katastra cestovnog zemljišnog pojasa;
- prikupljanje podataka i obavješćavanje javnosti o stanju cesta i načinu odvijanja prometa;
- poduzimanje potrebnih mjera za očuvanje i zaštitu okoliša.

Planom zaštite, održavanja, rekonstrukcije i izgradnje za 2025. godinu određene su aktivnosti u skladu sa materijalnim okvirima, odnosno planiranim namjenskim sredstvima namjenjenim za finansiranje poslova na regionalnim cestama Zeničko-dobojskog Kantona. Ovim dokumentom obuhvaćeni su planirani radovi na redovnom održavanju, vanrednom održavanju, radovi na rekonstrukciji regionalnih cesta, kao i izrada projektne dokumentacije.

Cjelokupna politika upravljanja regionalnim cestama bit će usmjerena na izvršenje prioritetnih poslova na regionalnim cestama, koji se ogledaju u slijedećem:

- rekonstrukcija starih dotrajalih mostova na regionalnim cestama u svrhu osiguranja normalne prohodnosti na regionalnim cestama i bezbjednosti učesnika u prometu;
- kontinuirano održavanje cestovne mreže u cilju zaštite projektovanog stanja cesta i obezbjeđenja zadovoljavajuće sigurnosti i potrebne prohodnosti na cestama;
- sanacija najkritičnijih dionica regionalnih cesta
- poboljšanje stanja prometa i povećanje nivoa bezbjednosti rekonstrukcijom nepovoljnih elemenata ceste i obnovom građevinskih objekata na trasi ceste;
- okončanje ugovorenih radova rekonstrukcije regionalnih cesta i objekata na cestama

U skladu sa budžetom Zeničko-dobojskog kantona za 2025. godinu i Strategijom razvoja 2021.godine-2027.godine, a u vezi sa strateškim ciljem 3. ukupna finansijska sredstva namijenjena za izvršenje planiranih aktivnosti na regionalnim cestama na području Zeničko-dobojskog kantona iznosi 24.664.000,00 KM.

Za vršenje poslova redovnog i vanrednog održavanja regionalnih cesta i cestovnih objekata, stručno-tehnički nadzor za 2025.godinu i za izvršenje ugovorenih poslova iz protekle godine planirano je 15.000.000,00 KM konvertibilnih maraka.

Za rekonstrukciju i izgradnju regionalnih cesta i cestovnih objekata, izradu tehničke dokumentacije i obavljanje stručno-tehničkog nadzora, planirano je 9.000.000,00 konvertibilnih maraka.

Za nabavku opreme planirano je 15.000,00 KM, za ugovorene i druge posebne usluge 93.000,00 KM, plaćanje rasvjete tunela "Ponikve" u Varešu je 6.000,00 KM i za nabavku zemljišta (eksproprijaciju) planirano je 550.000,00 KM.

I. ODRŽAVANJE REGIONALNIH CESTA

Na regionalnim cestama na području Zeničko-dobojskog kantona obavljaju se poslovi redovnog održavanja tokom cijele godine, s tim da se ,u periodu od 15. novembra tekuće godine do 15.marta naredne godine, vrše i poslovi zimskog održavanja. Sve navedeno obavlja se u svrhu održavanja prohodnosti i tehničke ispravnosti cesta i sigurnost saobraćaja na njima.

Pored navedenih poslova, Planom su obuhvaćeni i radovi vanrednog održavanja koji se obavljaju na osnovu tehničke dokumentacije u svrhu poboljšanja elemenata ceste, stabilnosti i trajnosti ceste i cestovnih objekata i povećanja sigurnosti saobraćaja.

Regionalne ceste na području Zeničko-dobojskog kantona su grupisane u jedanaest LOT-ova (Tabela 1.), uvažavajući teritorijalni princip, blizinu i povezanost cesta u cilju efikasnijeg i ekonomičnijeg održavanja. Regionalne ceste su grupisane po LOT-ovima u cilju lakšeg praćenja procesa održavanja od raspisivanja tendera za javnu nabavku radova, izvođenja planiranih radova do obračuna istih.

Tabela 1: Regionalne ceste podijeljene na LOT-ove

Lot	Dužina (km) po LOT-u	Oznaka ceste	Dionice regionalnih cesta
1.	79,80	R 445 R 473 R 441 R 413a R 457a	Lašva-Zenica-Nemila Nemila-Bistričak-Teslić (granica Federacije) Zenica-Vjetrenice-Vitez (granica Kantona) Čajdraš-Ovnač (granica Kantona) Rudnik Zenica – spoj sa kružnim tokom u Radakovu R 457
2.	52,39	R 445 R 466	Lučani-Bilješevo-Kakanj-Čatići-gr.Kant. Čatići-Kr.Sutjeska-Ponijeri
3.	30,62	R 443 R 445	R443 A1 Visoko-Kiseljak (gr. Kantona.) R-445 Čatići-Visoko-Podlugovi (gr.Kantona)
4.	74,60	R 467 R 468 R 467a	Ribnica-Olovo-HanPijesak-gr.Federacije Olovo-Sokolac granica Federacije R-467-Milankovići-Kladanj(gr.Kantona)
5.	27,35	R 465	Zavidovići-Maglaj (granica Federacije)
6.	36,97	R 474	M17-Noví Šeher-Tešanj-Jelah-gr. Fed.
7.	30,60	R 466	Zavidovići-Kamenica-Ponijeri
8.	70,75	R 444 R 444a	Breza-Vareš-Podkaminsko R 444a Vareš-Pogar-Ratanj
9.	23,60	R 457	Zenica-Arnauti-Ribnica-Donji Kakanj (spoj sa R-445)
10.	14,35	R444b	Šimin Potok-Ravne-Kamenica (gr.Kantona)
11.	7,00	R474b	Novi Šeher-Kopice-Teslić(gr. Federacije)
Ukupno:	461,00		

Osnovni ciljevi održavanja regionalnih cesta su:

- sprječavanje propadanja cesta,
- omogućavanje sigurnog prometa,
- smanjenje troškova korisnika dobrim stanjem cesta,
- dovođenje cesta u projektovano stanje uzimajući u obzir izmjenjene potrebe prometa.

Godišnji plan održavanja sadrži:

- planirana ulaganja u održavanje regionalnih cesta zavisno o zatečenom stanju i standardu održavanja,
- planirana ulaganja u vanredno održavanje regionalnih cesta zavisno od stepena prioriteta i odobrenih finansijskih sredstava.

U skladu sa odredbama Zakona o javnim nabavkama BiH i Zakona o cestama Federacije BiH, odabrani su najpovoljniji ponuđači za izvršenje poslova redovnog održavanja regionalnih cesta i sa istima potpisani Okvirni sporazumi na period od četiri godine.

Na osnovu zaključenih Okvirnih sporazuma sa odabranim izvođačima radova koji posjeduju licencu za održavanje javnih cesta izdatu od strane Federalnog ministarstva prometa i komunikacija, Direkcija će zaključivati pojedinačne ugovore za sve vidove održavanja regionalnih cesta u četverogodišnjem periodu.

I.1. Redovno održavanje regionalnih cesta

Redovno održavanje regionalnih cesta će se obavljati od vremena zaključivanja ugovora sa odabranim izvođačima radova, sa svrhom održavanja prohodnosti, tehničke ispravnosti cesta i sigurnosti prometa na njima.

Redovno održavanje regionalnih cesta je aktivnost koja obezbjeđuje preduslove za stalni i nesmetani promet. Regionalne ceste kao ceste prvog ranga u nadležnosti kantona, moraju se redovno i kontinuirano održavati uz stalni nadzor od strane cestovne službe i inspeksijskih organa. Zbog velikog privrednog i bezbjednosnog značaja prometa, često se susrećemo sa problemima koje je potrebno riješiti u veoma kratkom periodu kako bi se cesta dovela u prohodno stanje i neophodno je odmah djelovati u cilju uspostave normalne prohodnosti.

Odabirom pravnih subjekata u skladu sa odredbama Zakona o javnim nabavkama BiH, tj. specijaliziranih licenciranih preduzeća za redovno održavanje regionalnih cesta, pristupit će se izvršenju radova definisanih odredbama Zakona o cestama Federacije BiH i Pravilnika o održavanju javnih cesta, i to:

- popravka kolovoza (osim dijela u kojem je smještena tramvajska ili željeznička pruga), trupa ceste, potpornih i obložnih zidova;
- uklanjanje odronjenog materijala i čišćenje kolovoza i objekata za odvodnju;
- održavanje bankina (planiranje i poravnavanje), bermi i kosina usjeka, nasipa i zasjeka;
- održavanje objekata na cestama;
- održavanje rasvjete, semafora i drugih instalacija i elektro-opreme, koji su izgrađeni u funkciji sigurnosti saobraćaja na cesti;
- izrada i postavljanje horizontalne i vertikalne signalizacije, svjetlosno sigurnosnih uređaja, zamjena, popravka i uklanjanje oštećene i nepotrebne saobraćajne signalizacije i opreme ceste;
- košenje trave i održavanje zelenih površina i zasada u cestovnom pojasu;
- održavanje potrebne preglednosti cesta i oznaka u cestovnom pojasu;
- čišćenje snijega i leda sa kolovoza, i posipanje kolovoza s ciljem sprječavanja poledice i osiguranja prohodnosti cesta u zimskim uslovima;
- manji zahvati na obnavljanju, zamjeni i ojačanju dotrajalih kolovoza;
- manji zahvati na ojačanju i zamjeni propusta, potpornih i obložnih zidova i zaštita čeličnih konstrukcija od korozije;
- manji zahvati na ugrađivanju ivičnjaka i izradi pješačkih staza;
- manji zahvati na saniranju klizišta i odrona;
- vođenje podataka o javnim cestama;
- obavljanje i drugih poslova kojima se osigurava stalan, nesmetan i bezbjedan promet na cestama;
- obnovu i farbanje kilometarskih oznaka, stubova saobraćajnih znakova i nosača rasvjetnih tijela;
- uređenje i popravke sistema za odvodnju (jaraka, rigola, drenaža i drugo);
- mjestimični popravci betonskih pasica
- popravci lokalnih oštećenja kolovoza (udarnih rupa, pojedinačnih i mrežastih pukotina, uzdužnih i poprečnih denivelacija, omekšanog asfaltnog zastora, oštećenih rubova i razdjelnica betonskog kolovoza);
- održavanje oznaka referentnog sistema označavanja cesta;
- radovi na održavanju cestovnih objekata, te uklanjanje manjih oštećenja, koja mogu ugroziti stabilnost i sigurnost objekta;
- glavni pregled cesta i objekata angažovanjem stručnih organizacija i ustanova. (aktivnost koja podrazumjeva detaljan pregled objekta, uz potrebna mjerenja i ispitivanja a obavlja se svake šeste (6) godine).

Poslovi održavanja cesta će se utvrđivati na način da stručna služba Kantonalne direkcije za ceste definiše dinamiku poslova u zavisnosti od prioriteta, raspored radova po cestovnim pravcima, a po potrebi i uputstva za primjenu tehnike i tehnologije izvođenja radova pojedine pozicije radova održavanja.

Vrsta, obim, vrijednost i dinamika radova održavanja cesta moraju obezbjeđiti održavanje cesta u takvom stanju koje omogućava vršenje trajnog, bezbjednog i nesmetanog prometa na cestama i očuvanje projektovanog stanja cesta, a u okviru raspoloživih sredstava za održavanje i zaštitu cesta.

Kod redovnog održavanja regionalnih cesta značajno se posvećuje pažanja smanjenju utroška sredstava u zavisnosti od metode i načina ugovaranja poslova, kao i primjene kvalitetnog nadzora nad izvršenjem radova od strane izvođača.

U postupku javne nabavke licitirani su radovi za održavanje regionalnih cesta prema predmjerima u kojima je definisan obim radova na osnovu snimljenog stanja na terenu i procijenjenih količina izvršenih u proteklom periodu, a u okviru planiranih namjenskih sredstava. U skladu sa navedenim, obim radova je usaglašen sa stanjem potreba na regionalnim cestama u granicama planiranih sredstava namjenjenih za izvršenje poslova održavanja regionalnih cesta.

Pored navedenih radova sa iskazanim procijenjenim količinama, predmjeri radova sadržavaju i ostale propisane radove na održavanju regionalnih cesta kojima se osigurava stalna prohodnost i bezbjednost učesnika u prometu i isti su definisani Zakonom o cestama Federacije BiH i Pravilnikom o održavanju javnih cesta.

Izvođači radova će, prema odredbama zaključenog sporazuma, preuzimat vršenje radova i poslova održavanja regionalnih cesta na dionicama regionalnih cesta koje se definišu zasebnim ugovorima. Usluga stručno-tehničkog nadzora nad izvođenjem radova redovnog održavanja regionalnih cesta bit će povjerena preduzećima koja će se odabrati u skladu sa odredbama Zakona o javnim nabavkama BiH.

U okviru redovnog održavanja planiran je utrošak sredstva u iznosu od 50.000,00 KM za redovno održavanje dijela regionalnih cesta kojim prolazi željeznička pruga čije održavanje u cijelom gabaritu provode preduzeća koja obavljaju željeznički promet u skladu sa Zakonom o Željeznicama Federacije Bosne i Hercegovine („Službene novine Federacije BiH“, broj: 41/01 i 25/12). Na području našeg kantona na tri mjesta se ukrštaju regionalne ceste sa željezničkom prugom. Troškove održavanja mjesta ukrštanja snose u istom omjeru Kantonalna Direkcija za ceste i JP Željeznice Federacije BiH d.o.o. Sarajevo.

Kantonalna direkcija za ceste je u 2018 godini osvijetlila tunel „Ponikve“ na regionalnoj cesti R 444 dionica Vareš–Potkamensko tako da smo obavezni kontinuirano plaćati troškove električne energije. Planirano je 6.000,00 KM za ove namjene u tekućoj godini.

1.2. Zimsko održavanje regionalnih cesta

Zimski period održavanja cesta obuhvata period od 15. novembra tekuće do 15. marta naredne godine, s tim što zavisno od vremenskih prilika i meteoroloških prognoza taj period može početi prije, odnosno završiti kasnije.

Mreža cesta je u zavisnosti od obima prometa i značaja ceste podjeljena na određene klase ili razrede. Klase ili razrede cesta sa aspekta zimskog održavanja posmatrani su u zavisnosti od inteziteta prometa, povezanosti sa privrednim područjima, odvijanja autobusnog saobraćaja, stanja kolovoza, teritorijalnog položaja ceste itd.

Završetkom perioda zimskog održavanja regionalnih cesta u tekućoj godini, izvođači radova će prema nalogima ugovornog organa izvršavati sve neophodne radove u svrhu uspostave prohodnosti i bezbjednosti prometa.

Zimsko održavanje podrazumjeva radove na čišćenju sniježnih padavina sa kolovoza i radove na sprječavanju i otklanjanju poledice na kolovozima cesta. Pripreme za realizaciju zimskog održavanja realizuju se do početka zimskog perioda, a obavljaju se u tri faze:

- nabavka i uskladištenje posipnih materijala;
- uređenje i dogradnja punktova zimske službe;
- priprema sredstava rada.

Ove aktivnosti koordinira stručna služba Direkcije i cestarske službe izvođača radova. Poslovi održavanja prohodnosti ceste u zimskim uslovima su poslovi rukovođenja i koordiniranja na nivou Direkcije, a poslovi operativnog rukovođenja na nivou preduzeća obuhvataju:

- izvršenje pripremних poslova na obezbjeđenju i uskladištenju posipnih materijala,
- izvršavanje radova na sprečavanju poledica na kolovozu i čišćenje snijega,
- blagovremeno i potpuno informisanje korisnika ceste o stanju i uslovima prometa na cesti
- obilježavanje ivica kolovoza odgovarajućim letvicama
- izvršavanje i drugih aktivnosti koje čine dio ukupnih poslova zimske službe.

Poslove neposrednog nadzora funkcionisanja zimske službe i ovjeru operativno-tehničke i finansijske dokumentacije po potrebi će obavljati i stručna lica iz sastava Kantonalne direkcije za ceste.

Radovi i poslovi održavanja prohodnosti ceste obavljaju se u sve kalendarske dane zimske službe u vremenu od 0-24 sata.

U cilju obezbjeđenja adekvatnog održavanja cesta u zimskim uslovima i utvrđivanja radova neophodnih za održavanje prohodnosti cesta i sigurnog odvijanja prometa za režim prometa u zimskim uslovima, utvrđuju se slijedeći prioriteti na održavanju regionalnih cesta.

Na cestama I prioriteta radovi na obezbjeđenju prohodnosti se moraju izvoditi permanentno u cilju obezbjeđenja stalne prohodnosti i dovršiti u roku od 5 sati u nizinskom odnosno 8 sati u planinskom području, računajući od trenutka prestanka padavina.

Na cestama II prioriteta ne smije doći do zastoja u odvijanju prometa dužeg od 6 sati u toku dana. Na cestama III prioriteta obaveza je stvaranja uslova za sigurno odvijanje prometa najduže u roku od 72 sata po prestanku padavina.

U toku zimskom perioda, planirana vrijednost sredstava za zimsko održavanje regionalnih cesta je 1.772.186,00 KM.

I.3. Obnova i vanredno održavanje regionalnih cesta

Vanredno održavanje regionalnih cesta vrše se iz razloga očuvanja projektovanog stanja cesta i konstruktivnih elemenata ceste.

Potrebni poslovi na vanrednom održavanju regionalnih cesta su klasificirani na:

- obnavljanje, zamjenu i ojačanje dotrajalih kolovoza,
- ojačanja i zamjene propusta i mostova dužine do deset metara, obnove potpornih i obloženih zidova i zaštita čeličnih konstrukcija od korozije.
- ugrađivanja ivičnjaka i izrada pješačkih staza,
- saniranja klizišta i odrona

Ojačanje i obnova planiraju se na duži rok, kao sastavni dio vanrednog održavanja fizičke upotrebljivosti mreže regionalnih cesta i očuvanja vrijednosti infrastrukture.

Pozicije radova vanrednog održavanja regionalnih cesta će se izvršavati u zavisnosti od prioriteta, kao i od stanja cesta nakon zimskog perioda. Obzirom na značaj kolovoza sa aspekta bezbjednog odvijanja prometa na cestama, prioritetno će se rješavati zakonom definisani poslovi na kolovoznoj konstrukciji, sanaciji aktivnih klizišta i ostali planirani radovi.

Planirani poslovi vanrednog održavanja regionalnih izvršavat će se prema tehničkoj dokumentaciji, dok odabir izvođača radova vršit će se na način propisan Zakonom o javnim nabavkama BiH. U tabeli 2. Prikazan je prenos sredstava iz 2024.godine na obnovi i vanrednom održavanju regionalnih cesta.

Tabela 2. Pregled prenosa sredstava na obnovi i vanrednom održavanju

Redni broj	Dionice regionalnih cesta Zeničko-dobojskog kantona	Planirana sredstva /KM/
1.	Stručno-tehnički nadzor nad izvođenjem radova obnove i sanacije kolovoza cesta sa potpuno amortizovanim asfaltnim zastorom na regionalnoj cesti R457 Arnauti - Donji Kakanj stac. km 0+000,00 do 1+415,00 za LOT-2	692,00
2.	R457 Zenica-Arnauti Sanacija regionalne ceste Zenica-Arnauti	326.227,00
3.	Stručno tehnički nadzor za sanaciju regionalne ceste Zenica-Arnauti	2.065,00
	UKUPNO	328.984,00

U 2025. godini, vrijednost planiranih sredstva za obnovu i vanredno održavanje regionalnih cesta je 2.615.090,00 KM za izvršenje projekata prikazanih u Tabeli 3.

Tabela 3: Planirana sredstva za obnovu i vanredno održavanje regionalnih cesta u 2025.godini

Redni broj	Dionice regionalnih cesta Zeničko-dobojskog kantona	Planirana sredstva /KM/
1.	Sanacija kolovoza regionalne ceste R457 Zenica-Arnauti dionica Kamenolom Komgrad - Kamenolom ŽGP	685.000,00
	Stručno tehnički nadzor	10.175,00
2.	Izgradnja trotoara uz regionalnu cestu R474 lokalitet Piljužići	150.000,00
	Stručno tehnički nadzor	2.250,00
3.	Sanacija regionalne ceste R413a lokalitet Pojske	420.000,00
	Stručno tehnički nadzor	6.250,00
4.	Sanacija klizišta na R465 Zavidovići-Maglaj	75.000,00
	Stručno tehnički nadzor	1.125,00
5.	Sanacija regionalne ceste R443 Visoko-Kiseljak	700.000,00
	Stručno tehnički nadzor	10.250,00
6.	Sanacija regionalne ceste R474b Novi Šeher-Kopice	150.000,00
	Stručno tehnički nadzor	2.150,00
7.	Sanacija regionalne ceste R444 Podlugovi-Breza	100.000,00
	Stručno tehnički nadzor	1.500,00
8.	Sanacija regionalne ceste R474 i izrada propusta kod O.Š Huso Hodžić	297.000,00
	Stručno tehnički nadzor	4.390,00
	UKUPNO	2.615.090,00

II. UGOVORENE I DRUGE POSEBNE USLUGE

Izdaci za ugovorene i druge usluge planirani su ukupnom iznosu od 93.000,00 KM i obuhvataju sljedeće: Izdaci za poreze za ugovorene obaveze (izdaci za rad u komisijama za primopredaju cesta, rad sudskih vještaka i sl., posebna naknada na dohodak za zaštitu od prirodnih i drugih nesreća i ostale obaveze nastale po osnovu rada u komisijama i ostale ugovorene usluge, kao i ostale nespomenute usluge i dadžbine.

III. REKONSTRUKCIJA I IZGRADNJA CESTA I IZRAĐA PROJEKTNE DOKUMENTACIJE

U skladu sa pripadajućim finansijskim sredstvima za potrebe izvršenja radova na regionalnim cestama, investiciona sredstva u cestovnu infrastrukturu se ulažu u svrhu poboljšanja uslova prometa na cestovnoj mreži, shodno odredbama Zakona o cestama.

Za poslove rekonstrukcije i izgradnje regionalnih cesta i objekata na cestama u toku 2025. godine planiran je završetak započetih radova na cestovnim pravcima i objektima koji su ugovoreni u prošloj godini.

Pozicije radova rekonstrukcije i izgradnje regionalnih cesta će se izvršavati u zavisnosti od raspoloživih sredstava i prioriteta, kao i od stanja cesta nakon zimskog perioda. Obzirom na značaj kolovoza sa aspekta bezbjednog odvijanja prometa na cestama, prioritetno je potrebno rješavati zakonom definisane poslove na kolovoznoj konstrukciji, izgradnji cestovnih objekata, sanaciji aktivnih klizišta i ostali hitne radove.

Poslovi rekonstrukcije i izgradnje regionalnih cesta, kao i usluge projektovanja i vršenja stručno-tehničkog nadzora nad izvođenjem ugovorenih radova izvršavat će se od strane izvođača radova koji se biraju u skladu sa odredbama ZJN BiH.

U 2025. godini su planirana sredstva za rekonstrukciju cesta i izgradnju mostova, kao i za izradu projektno-tehničke dokumentacije u iznosu 9.000.000,00 KM, umanjena za iznos plaćanja ugovorenih obaveza iz prethodne godine (prenos sredstava) i iznos sredstava planiranih za izradu projektno-tehničke dokumentacije, studija, elaborata i revizije projektne dokumentacije.

III.1. Rekonstrukcija i izgradnja regionalnih cesta

Rekonstrukcija cesta u smislu Zakona o cestama FBiH, podrazumjeva radove na dijelu postojeće ceste kojim se mijenja njena osnovna karakteristika sa ciljem povećanja kapaciteta ceste i nivoa usluge, a izgradnja cesta podrazumjeva radove pretežno po novoj trasi ceste.

Tehnička dokumentacija za rekonstrukciju i izgradnju regionalnih cesta, pored dokumentacije utvrđene Zakonom o prostornom uređenju i korištenju zemljišta na nivou Federacije BiH („Službene novine FBiH“, broj 2/06,72/07 i 32/08) treba da sadrži:

- a. projekat vertikalne i horizontalne saobraćajne signalizacije, plan i program rada rada svjetlosne signalizacije, projekat putne opreme i plan osvjetljenja,
- b. projekat priključivanja i ukrštanja cesta i priključivanje postojećih objekata na cesti,
- c. projekat priljučivanja mjesta izvan kolovoza: za izgradnju pomoćnih objekata koji služe cesti (punktovi i stacionari), parkirališta, autobusnih stajališta, benzinskih pumpi, autoservisa, površina za zaustavljanje, parkiranje i isključivanje vozila, telefonskih govornica,
- d. druge uslove utvrđene Zakonom o cestama FBiH i propisima donesenim na osnovu Zakona.

Poslovi rekonstrukcije i izgradnje regionalnih cesta prema odredbama Zakona o cestama FBiH obuhvataju:

- građevinsko i drugo projektovanje sa istražnim radovima,
- projektovanje opreme, pratećih objekata, saobraćajne signalizacije i drugo,
- stručnu ocjenu studija i projekata sa sistematskim i nezavisnim ocjenjivanjem parametara sigurnosti,
- otkup zemljišta i objekata,
- premještanje komunalne i druge infrastrukture,
- pribavljanje urbanističke saglasnosti i odobrenja za građenje nadležnog organa,
- ustupanje radova građenja,
- organizaciju stručnog nadzora i kontrole ugrađenih materijala i izvedenih radova,

Prenos sredstava u 2025. godinu na osnovu ranije zaključenih ugovora o izvođenju radova na rekonstrukciji regionalnih cesta, stručno-tehničkom nadzoru i izradi projektno-tehničke dokumentacije je 3.942.992,00 KM. (Tabela 4).

Tabela 4. Prenos sredstava u 2025.godinu na osnovu ranije zaključenih ugovora o izvođenju radova na rekonstrukciji regionalnih cesta, stručno-tehničkom nadzoru i izradi projektno-tehničke dokumentacije

Redni broj	Naziv projekta	Prenos sredstva /KM/
1.	Stručno tehnički nadzor sanacije klizišta na R 467 Olovo-Han Pijesak STD 1+200,00 km	2.000,00
2.	Stručno-tehnički nadzor nad izvođenjem sanacije kolovoza na dionici regionalne ceste R444 Podlugovi-Breza-Vareš, kroz općinu Breza Ugovor broj 2 po okvirnom sporazumu	2.460,00
3.	Stručno-tehnički nadzor nad izvođenjem sanacije kolovoza na dionici regionalne ceste R444 Podlugovi-Breza-Vareš, kroz općinu Breza Ugovor broj 3 po okvirnom sporazumu	689,00
4.	Izgradnja novog mosta preko rijeke Krivaje, dionica Podkamensko-Olovo na stacionaži 18+500,00 u naselju Boganovići, općina Olovo ugovor br 2. po Okvirni sporazum	359.610,00
5.	Stručno tehnički nadzor izgradnja mosta preko rijeke Krivaje dionica Ribnica-Podkamensko-Olovo lokalitet Boganovići (po okvirnom sporazumu ugovor broj 2)	7.550,00
6.	Prerada projekta rekonstrukcije i igradnje dionice regionalne ceste R445 Zenica-Lašva	8.110,00
7.	Izrada projekta sanacije kritičnih dionica R466	4.973,00
8.	R443A1-Visoko-Kiseljak Izgradnja kružnog toka na spoju sa regionalnom cestom R 445 Kakanj-Visoko	617.450,00
9.	Stručno-tehnički nadzor	5.780,00
10.	R474 M-17-Novi Šeher-Tešanj-Jelah-granica Federacije Rekonstrukcija regionalne ceste u dužini od 2 km (planiran okvirni sporazum na dvije godine)	700.000,00
11.	Stručno-tehnički nadzor	1.890,00
12.	R 445 Zenica-Lašva Rekonstrukcija dijela regionalne ceste R445 u sastavu vangradske dionice GGM u Zenici (planiran okvirni sporazum na period od 2 godine)	1.525.300,00

13.	Stručno tehnički nadzor	9.280,00
14.	R467 Olovo-Han Pijesak (granica Federacije) Sanacija kolovoza regionalne ceste	474.270,00
15.	Nadzor-Sanacija kolovoza regionalne ceste	1.950,00
16.	Modernizacija kolovoza kružnog toka Radakovo na R457 Zenica-Arnauti	211.050,00
17.	Nadzor - Modernizacija kolovoza kružnog toka Radakovo na R457 Zenica-Arnauti	1.150,00
18.	Projekti sanacije kolovoza regionalnih cesta	9.480,00
	UKUPNO:	3.942.992,00

U 2025. godini planirana je realizacija projekata rekonstrukcije regionalnih cesta u vrijednosti od 4.754.008,00 KM, a prikazani u slijedećoj tabeli.

Tabela 5: Pregled planiranih sredstava za rekonstrukciju i modernizaciju regionalnih cesta u 2025.godini

Redni broj	Naziv projekta	Planirana sredstva /KM/
1.	R413a dionica Čajdraš-Ovnak-granica Kantona Sanacija regionalne ceste (Obrenovci)	495.000,00
	Stručno-tehnički nadzor	7.425,00
2.	R443A1-Visoko-Kiseljak Izrada dijela oborinskog kolektora kod raskrsnice na spoju R 445 Kakanj-Visoko i R443 Visoko-Kiseljak	30.000,00
	Stručno-tehnički nadzor	883,00
3.	R 445 Zenica-Lašva Sanacija regionalne ceste od kružnog toka Drivuša do privrednog društva “Almy Metalno”	670.000,00
	Stručno tehnički nadzor	10.000,00
4.	R 445 Zenica-Lašva Rekonstrukcija dijela regionalne ceste R445 u sastavu vangradske dionice GGM u Zenici (okvirni sporazum na period od 2 godine)	1100.000,00
	Stručno tehnički nadzor	6.710,00
5.	R444 Breza-Vareš Sanacija kolovoza regionalne ceste od ST 6+365,00 km	480.000,00
	Stručno tehnički nadzor	7.200,00
	R466 Zavidovići-Kamenica Sanacija regionalne ceste	300.000,00
	Stručno tehnički nadzor	4.500,00
6.	R466 Zavidovići-Kamenica Sanacija most na R466 Zavidovići-Kamenica ST 6+100,00 lokalitet Gostovići	200.000,00
	Stručno tehnički nadzor	3.000,00
	R473 Nemila-Bistričak-Teslić Sanacija regionalne ceste sa izgradnjom pješačke staze dionica od ST 0+196,00	400.000,00
	Stručno tehnički nadzor	6.000,00
	R466 Čatići-Kraljeva Sutjeska-Ponijeri Nastavak modernizacije kroz naselje Ponijeri od ST 22+575,00	320.000,00
	Stručno tehnički nadzor	4.800,00
	R445 Zenica-Lašva Sanacija regionalne ceste	180.000,00
	Stručno tehnički nadzor	2.700,00
7.	R444 a Vareš-Pogar Sanacija kolovoza regionalne ceste Vareš-Pogar	517.790,00
	Stručno tehnički nadzor	8.000,00
	UKUPNO:	4.754.008,00

U navedenom tabelarnom prikazu evidentirani su i projekti za koje će se pokrenuti postupak javnih nabavki u skladu sa odredbama ZJN BiH na vrijednost radova iz projektne dokumentacije, a koja je veća od planiranih sredstva u tekućoj godini. Tenderskom dokumentacijom će se predviđjeti zaključivanje Okvirnog sporazuma na period dvije i tri godine i zaključivanje ugovora za izvršenje preostalih radova iznad navedene planirane vrijednosti, u narednoj godini.

II.2. Izrada projektno-tehničke dokumentacije

U cilju stvaranja kvalitetnih tehničkih preduslova za realizaciju projekata, neophodno je za radove rekonstrukcije i vanrednog održavanja cesta sačiniti tehničku dokumentaciju propisanu zakonskom regulativom. Projektno-tehničkom dokumentacijom ispunjavamo potrebne zakonske uslove, postižemo potrebnu racionalnost ulaganja i ekonomičnija rješenja u svim fazama projektovanja.

Za 2025. godinu su planirana sredstva za izradu projektne dokumentacije u iznosu od 303.000,00 KM i data su u slijedećem tabelarnom prikazu.

Tabela 6: Pregled planiranih sredstava za izradu projektne dokumentacije

Redni broj	Izrada projektno-tehničke dokumentacije za dionice regionalnih cesta Zeničko-dobojskog kantona	Planirana sredstva /KM/
1.	Revizija projektne dokumentacije (okvirni sporazum)	20.000,00
2.	Izrada projekta sanacije regionalne ceste R445 Bilješevo-Kakanj-Visoko-Podlugovi	4.000,00
3.	Izrada projekta sanacije regionalnih cesta R473 Nemila-Bistričak-Teslić i R445 Nemila-Zenica	5.500,00
4.	Izrada projekta sanacije regionalne ceste R413a Zenica-Čajdraš-Ovnak-granica kantona	4.000,00
5.	Izrada projekta sanacije regionalne ceste R466 Zavidovići-Kamenica	5.000,00
6.	Projekat izgradnje regionalne ceste R473 Bistričak-Teslić	30.000,00
7.	Analiza saobraćaja regionalne ceste R441 sa izradom glavnog projekta rekonstrukcije (raskrsnica R413a do granice Kantona)	39.000,00
8.	Modernizacija regionalne ceste R466 Kakanj-Ponijeri	7.000,00
9.	Detaljni pregled mostova na regionalnoj cesti R465 Zavidovići-Maglaj	18.000,00
10.	Detaljni pregled mostova na regionalnoj cesti R443 Visoko-Kiseljak,	18.000,00
11.	Sanacija regionalne ceste R443 Visoko-Kiseljak	12.000,00
12.	Izrada elaborata eksproprijacije sa procjenom koštanja nekretnina za dionicu regionalne ceste R445 Zenica-Lašva	15.000,00
13.	Izrada Elaborata i druge dokumentacije u postupku izdavanja odobrenja za građenje	7.000,00
14.	Izrada Elaborata zaštite na radu i zaštite od požara u postupku izdavanja odobrenja za građenje za sanaciju klizišta na regionalnoj ceste R413a	3.000,00
15.	Izrada elaborate eksproprijacije sa procjenom koštanja nekretnina za sanaciju klizišta na regionalnoj ceste R413a	7.000,00
16.	Izrada projekta snancije klizišta i trupa ceste na R446 Zavidovići-Kamenica lokalitet Stipovići 1+553,00 km	10.000,00
17.	Izrada glavnog projekta mosta na R466 Zavidovići-Kamenica ST 6+100,00 lokalitet Gostovići	20.000,00
18.	Usluga vršenja kontrolnih ispitivanja ugrađenog materijala i istražnih radova	30.000,00
19.	Izrada projekta sanacije regionalnih cesta na području ZDK	10.000,00
20.	Izrada projekta modrenizacije regionalne ceste R467 Olovo-Han Pijesak	5.000,00
21.	Izrada idejnog i glavnog projekta zaštite kosina na regionalnoj cesti R467 Ribnica Olovo	18.000,00
22.	Projekat izgradnje biciklističke staze na R473 Nemila-Bistričak	8.000,00
23.	Izrada saobraćajnog projekta za regionalnu cestu R474b Novi Šeher-Kopice-granica Federacije	7.500,00
	UKUPNO	303.000,00

IV. NABAVKA OPREME

Za proširenje materijalne osnove za rad i poboljšanja u funkcionisanju Kantonalne direkcije za ceste planirana je nabavka neophodne opreme za rad iz namjenskih sredstava u vrijednosti od 15.000,00 KM (računari, klime i dr.) ,a sve u skladu sa članom 93. i 96. Zakona o cestama Federacije BiH.

V. NABAVKA ZEMLJIŠTA (EKSPROPRIJACIJA)

U svrhu rekonstrukcije dionica regionalnih cesta planirano je 550.000,00 KM za naknadu vlasnicima zemljišta, šuma i višegodišnjih zasada.

Kantonalna direkcija za ceste je pokrenula postupak eksproprijacije zemljišta u svrhu izdavanja odobrenja za građenje vangradske dionice GGM-a u sastavu regionalne ceste Zenica-Lašva putem Kantonalnog pravobranilaštva.

VI. REKAPITULACIJA UTROŠKA SREDSTAVA

Planirane aktivnosti	Planirana vrijednost utroška sredstava
I. Održavanje regionalnih cesta	15.000.000,00 KM
Redovno održavanje regionalnih cesta 2025.	7.257.740,00 KM
Zimsko održavanje regionalnih cesta 2025.	1.772.186,00 KM
Finansiranje ugovorenih obaveza redovnog i zimskog održavanja iz 2024. godine	2.976.000,00 KM
Finansiranje ugovorenih obaveza obnove i vanredovno održavanje regionalnih cesta iz 2024. godine	328.984,00 KM
Vanredovno održavanje regionalnih cesta za 2025.godinu	2.615.090,00 KM
Sufinansiranje održavanja pružnih prijelaza na regionalnim cestama	50.000,00 KM
I.1 Rasvjeta tunela „Ponikve“ Vareš	6.000,00 KM
II. Ugovorene i druge posebne usluge	93.000,00 KM
III. Rekonstrukcija i izgradnja cesta i cestovnih objekata, izrada projektne dokumentacije i stručno-tehnički nadzor	9.000.000,00 KM
- finansiranje ugovorenih obaveza iz 2024. godine	3.942.992,00 KM
- rekonstrukcija i sanacija regionalnih cesta za 2025.godinu	4.754.008,00 KM
- izrada projektno-tehničke dokumentacije	303.000,00 KM
IV. Nabavka opreme	15.000,00 KM
V. Nabavka (Eksproprijacija) zemljišta	550.000,00 KM
UKUPNO	24.664.000,00 KM

Broj:12-2-23-1462/25
Zenica, 31.01.2025.godine

DOSTAVLJENO:

1x Ministarstvo za prostorno uređenje
promet i komunikacije i zaštitu okoline
1x Kantonalna direkcija za ceste
1x Ministarstvo finansija
1x a/a

DIREKTOR

Nandino Škrbić